

華嚴懸談會玄記卷第十一

荅山再光寺比丘

普瑞集

野一

○疏七說勝行者以所說勝行為因能說言
教為果若不修行成道無日如數他寶自無
其分說食與人終不能飽匪知之艱而行之

艱經云不如說行於佛菩提則為永離故君
子下君子者大人也賢智有德謂之君子上
敬尊長如臣事君下恤萬民如父育子故曰
君子彼疏云不憂無祿位但憂無立身之才
學耳以況行人不憂無圓融行布之位但憂

已德行不立○鈔包氏者後漢儒林傳云包
咸字子良會稽曲阿人也少為諸生習魯詩
論語舉孝廉除郎中建武中入授皇太子論
語又為其章句拜諫議大夫永平五年遷大
鴻臚彼疏云不憂無人知見於已求善道而
行之使已才學有可知重則人知已也今引

上二句行成得位證此由行故得位也求為
可知者行成得名以行為能立名與位皆所
立人為能立行為所立故云及所能立皆是
行也下兩句行成得名非今所用今為下疏

欲證前由行得位故但引前兩句耳○疏一頓成諸行者新經疏云此復有二義一約心觀二約性融今初謂一念相應能頓具故謂知此心即是佛智佛智即是無念無念心體內外無著一諸過自防二忍可諦理三離身

心相四寂然不動五了見性空六善達有無七進諸妙覺八是真修習九決斷分明十度具矣十度既具餘行例然故修一行成一切行二約性融者以修一行稱法性故性融攝故令此一行如性普收無行不具○疏十

住品云下言等者次云文隨於義義隨文如是一切展轉成此不退人應爲說又彌勒告大衆言餘諸菩薩經無量百千那由他劫乃能滿足菩薩行願乃至此長者子於一生內則能淨佛刹乃至則能具足普賢諸行皆一

行即一切行義也○鈔等取一障一切障等者問今證一行一切行何證以斷障修證耶答以此皆行中別義障是行之所斷斷以行為能斷修正約行證則行之所證故也○鈔初說十句等者此指一斷一切斷等文也經

云欲疾滿足諸菩薩行應修十種法所謂心
不棄捨一切衆生一於諸菩薩生如來想_二
水不誹謗一切佛法_三知諸國土無有窮盡
_四於菩薩行深生信樂_五不捨平等虛空法
界菩提之心_六觀察菩提入如來力_七精進

修習無礙辯才_八教化衆生無有疲厭_九住
一切世界心無所著_十_{此即初說十句也}次有五十句
謂十種清淨十種廣大智十種普入十種勝
妙心十種佛法善巧智_{即今頤成五十種勝}
{利也二字似百萬障是也}下疏云能治深妙{若所治即下後五}

十展轉依初十是焉初即攝後一治一切治
別是一斷一切斷并一修一切修通一行則
一切行也○鈔一念嗔心下即所斷也經云
佛子我不見一法爲大過失如諸菩薩於他
菩薩起嗔心者何以故佛子若諸菩薩於餘
菩薩起嗔恚心即成就百萬障門故所謂不
見菩薩障不聞正法障乃至遠離三世諸佛
菩薩種性下疏云決定毘尼經云寧起百萬
貪心不起一嗔以捨衆生違起大悲莫過此

故既一惑成百萬障則一障一切障義惑惑
皆然今從重說雖標百萬畧列百門古人寄
位分五謂十地行此五約所障惑是能障是
知通障一切信尚不起況諸位耶又所障法
界如帝網重重能障同所亦無盡故知百萬

猶是畧明問上之斷惑約何位斷答准教章
云準上下經文有四種一約證謂十地中斷
二約位斷十住已去斷三約行十信終心斷
四約實無可斷以本來清淨故○鈔故偈中
下約所依顯能依行時既延促自在行亦一

多圓融妙嚴品約法顯行可知○疏乃至等
覺中行者問前彰地位中直至妙覺此說勝
行祇至等覺其故何耶答位是所得通因及
果行爲能得唯至因圓以等覺因圓便能至
果故行不說妙覺淨行品疏鈔說約行修有
障等但四十一位行妙覺位是所求無障非
行故○鈔體即三心者是起信文疏云一體
直心即大智無所執著絕能所念名念真如
後二心以其爲本二深心者樂修諸善謂四
弘願等雖發此願而無分別契前直心諸行

相中不可稱量故名深心三大悲心者見受苦衆生方便救拔見得樂衆生護令不失雖發此心而無愛見即無緣悲故曰大悲亦順直心又以前二心皆爲衆生則無心非悲以悲直二心皆順深心則行願無涯說即三心

野

四

次第發必不得單行言四弘等者等一切願也貞元疏云以大願爲主然願無量而多說四弘者對於無作四諦理故一衆生無邊誓度者度於苦源二煩惱無邊誓斷者斷於結集三法門無邊誓學者學於道諦四佛道無

上誓成者證於滅理言無作者不同小乘有生滅謂造境即中無不真實陰入譬如無苦可捨煩惱即菩提無集可斷邊邪皆中正無道可修生死即涅槃無滅可證無苦無集即無世間無滅無道即無出世間不取不捨直趣真實若更深入應知一苦一切苦則一度一切度事事無礙故一惑一切惑則一斷一切斷一道一切道則一修一切修萬行一體故一佛一切佛一成一切成等然此深義是上圓融行之願也上圓融雖約行說此約願

說思之○鈔七十八經云者即慈氏章中文也言大悲爲油者約喻即油不盡而燈不滅約法則大悲無盡大願無窮智光不息恒照法界行願品云是故菩提屬於衆生若無衆生一切菩薩終不能成無上菩提言上求即

野

五

直心下化即悲願照理起行亦然故云不出此故○鈔言相者下釋疏中相字而有四義一無相爲相者以發心文云今所發覺心遠離諸性相故二同法界相者同理事無礙法界事事無礙法界故三無分量相者無分齊

頭數等行相可稱量故四無齊限相者貞元疏云若約悲願二心無齊限盡度衆生盡修諸行故約直心無齊限下無衆生可度上無菩提可求中無萬行可修亦無真如而爲所念淨名云捨於分別菩提之見菩提者不可以身得不可以心得寂滅是菩提滅諸相故若融上三心則度而無度修而無修故光明覺品經云若於一切智法發生回向心見心無所生當獲大名稱○鈔言功德下釋疏中功德字言無德不收者貞元疏云經云一切功

德皆在最初菩提心中安住故是以語其智等虛空而非類論其德碎塵刹而難量極念劫之圓融盡法門之重顯初心契於佛智豈有邊涯微滴入於天池齊無終始○鈔發心品十種大喻下經云佛子假使有人以一切

樂具供養東方阿僧祇世界所有衆生終於一劫然後教令淨持五戒南西北方四維上下亦復如是乃至云教令住辟支佛果比發心功德百分不及一乃至優波尼沙陀分亦不及一此即第一喻利樂衆生喻也二速疾

步刹喻三知劫成壞喻四善知勝解喻五善知根性喻六善知欲樂喻七善知方便喻八善知他方喻九善知業相喻十善知煩惱喻十一供佛及生喻隨一喻而十者十門校量顯勝總有一百一十門今云六十喻百門者約

野一

六

大數耳亦寄顯圓義故問如第十一喻中云有人以不可說不可說供具念念供不可說佛及衆生經不可說劫此之功德全比容許不齊何以不及少分答有三義一無時處齊限故二稱法性故三事事無礙故問此發心

功德既爾豈是行布行耶答是即圓融之行布故○鈔獨覺聲聞下問起一念二乘意退菩提心智論中說有一阿難漢領一比夫沙彌觀知便於沙彌身上取衣鉢自摩令沙彌前行行經數里間沙彌心念菩薩苦行難成佛果遂却擬修小乘法難漢又觀知却過與衣鉢還令隨後沙彌都不知意而問羅漢羅

獨覺自悟出無佛世豈由佛出答說得果時云無佛世必前世已見佛聞法推本亦由佛出故又佛昔依一乘發菩提心今於一乘分別說二乘亦依菩提心出也故十住婆沙論第二云一切聲聞辟支佛皆由佛出若無諸

漢方與說其意也何以菩提心出二乘安樂答由佛出世說二乘法方有二乘得道佛因菩提心得據本爲言亦從菩提心出有解云菩薩發心非但出生如來亦令二乘回心向大得大乘安樂之果者非也今云二乘之安樂故同

佛何由而出○鈔此上三事下貞元號云體相德三不相捨離猶如日輪體是珠寶其相圓明德無不照成熟穀稼廓徹虛空三無離理言爲萬行之本者離世間品云忘失菩提心脩諸善根是爲魔業善財求友先陳已發

野一

七

菩提心者是法器故彌伽翻禮於初心若設

白月之新吐

法界無差別論云敬禮白月由人故又寶積云如是迦葉未得度故以故從初至滿故等入涅槃三十日心故教禮物發心是海雲驚其初發美青松之

始萌下經中善財先陳已發心已海雲告言
然後海雲讚歎等下雖云光讚法器以發心
美松者難故若不發心不堪受法非法器故如青
大松依此成故人愛彼不有凌雲之心豈展垂天
之翼若無等佛之志豈成妙覺之尊長流生死凡夫初發此心爲後萬行之本言即此發

心便名爲行者問此中說勝行何言發心耶故此答也十信已上即此發心便名爲行乃至十度萬行皆名行相問淨行品疏云夫妙行者統唯無念歷脩萬行疲役身心當爲道答若斯見者離念求於無念尚未得於真

無念况念無念之無礙耶○疏此二無礙者問圓融行布復說無礙即可如實能行云何答始則圓布別脩淳熟自然雙具亦猶前之四地真俗別觀至五地中真俗雙運若爾何殊有作之脩終成敗壞答善用其心不已故

能無心體極本不以有作爲是則非認賊爲子也問既無心體極何湏斷惡脩善但以無心體極善惡無礙行之復何礙耶答爲實無心體極謂如能渡水之人逆順出入自在者得無礙行之其有力未任者心雖欲得逆順

野

出入自在無礙以力未任入必沉沒難得出離幸湏冷漠自知慎勿欺心而已故圭山云世有非法之人假爲菩薩之行誑惑愚夫說空無相之言不拘齋戒以兼行爲大乘以真脩爲小教愚人不曉却敬彼麤人不知弟子

有擇師之分既聞彼說已仍湏勘以聖教合者名正又湏日夕體合者名邪之心在佛道大悲利生方堪歸依無得杜順和尚食肉便乃食肉彼却食鳩屍汝何不食志公食魚鱠吐之水盆魚跳躍食鵠口中飛出志公就人求生鱠人爲婢之致飽乃至也

視盆中漬沫如故曰今第食一隻而自食之忽於時有弟子先食彼鵠一足之內誌公既覺曰汝無慚也弟子背面竊訟之曰我食一足便謂無慚和尚每日吞取全身德行如何誌公知已侵告之曰汝所食者與我不同乃自張口據所食鵠從口中飛出最後一足於是時人咸皆驚異

汝等爲能如此

自在否若更縱無知之心阿鼻地獄何門可

述○疏八示真法者所示真法爲因能示言
教爲果欲成下驛前起後不體下我等無始
至今亦曾脩善云何猶不出離良以未能深
心體達理事等真實之法所脩之善得人天
果皆生死之業也今仍不求學通達如何解

野一

九

脫故言故此率下上二句云衆生無始來生
死又流轉即法幢
菩薩偈言此亦下貞元疏云示四
法界今畧言三也○疏九開因性者開即開
說顯示之義以所開因性爲因能開言教爲
果言上因果理事者因即第六第七果即第

五理事即第八既皆性有不唯但具性功德
爾行願鈔徵云如何開耶答如出現品云佛
子如來智慧無所不在何以故無一衆生而
不具有如來智慧等即開因性也若性非下
喻上性有可知○疏良以下蓋爲我等具足

包含恒沙功德爲體性即本有涅槃全依本
覺佛智之海以爲根源即本有菩提義分理
智實無二體此釋因性
二字也○鈔初明因義下恒
沙性德即舉所具德顯能具體即涅槃也本
覺佛智約自體說即菩提也此無二體又本

覺因性與佛果智本新似異然佛果智亦本有故故云無二體故疏云因果理事皆由衆生性有問此何舉同教沙德本覺之因性耶答此性德智海實通別教今且約同教一分以釋相也或可然在衆生有之故非同教因性之義問何以下引涅槃法華爲證答用涅槃法華之文成華嚴之義引同入別衆生既全包此爲身故衆生與理智而無二體○疏但相變下但真性隨緣受五趣身名相改變執此凡相謂別有體性以是虛妄情執既生

本智斯隔而非先覺後不覺故圭山云譬如執認病苦之身卽相變也不見本身即体殊也智慧即智隔也○鈔覆彼因義者雖具理智之因由相變情生全不覺知即隱覆義故湏說經開示言迷真如下以楞伽五法釋此二段文也

野一

以瑜伽七十二亦有五法一相二名三分別四真如五正智分別即是妄想異名下疏云迷如以成名相妄想是生悟名相本如執翻成智如外無智智體即如此二猶空寂照無礙言上對約境者述真境以成妄境故下對

約心者失真心以成妄心故本唯一體遂成五法既知如此須開示之此釋開字之因也○鈔今令下正釋開字以能開言教爲果言知心空寂者經中顯說令我等知妄心空寂則無所變名相之境故合體也言達本下通

達本有智慧元不於境住著則妄想已滅而正智生如前睡夢之人有覺者警之令寤即夢見惡身便是好身即合體也豈有能令所合是故聖說真智證理之時無能所相故○鈔真本下重釋上文真本約性深源約智亦可

反此如前作夢之人好身何假功成覺時則正功本就覺故正智何假外求如作夢之人不顛倒心何假功用方成覺如行盡源成言若寂照下融理智也若寂然絕相朗鑒居懷行者能爾則因性開矣由教令人開故或衆

野一

土

生亦具開義言性即知見者即上因性之理智即佛知見也本有涅槃知見性也本有菩提知見相也既能寂照雙流所以並皆顯現言故談下顯教爲能開也○鈔如示貧女下涅槃云如貧女舍內多有金藏無有知者時

有一人善知方便語貧女言汝舍內有真金
藏等彼疏云凡夫無德稱貧能生真解名女
五蘊名舍即蔭有性故言舍內有多金藏不
覺自身有如來性名無知者善知造脩顯勝
之法名知方便故經合云衆生佛性亦復如

是無有知者如來普示衆生諸覺寶藏所謂
佛性此但知有佛性未見未證則教能指示
令知故云唯明示義○鈔二使其下釋疏第
二義中具開示悟入四義使其行者脩行義
通開示二義能銓教法使其脩行如令掘寶

藏示義也能令行者見佛性是開義開說名
開即開示二義俱是能詮言教行者先來不
分明了知今明了知之名悟因悟證達名入
即悟入二義俱是行人言顯現之言下即教
開說朗然顯現對四義中開示義也或衆生

悟入因性顯現分明則對上能詮開顯故云
顯現之言等○鈔經云如有大經卷下證上
開示義下疏釋云大經者佛智無涯性德圓
滿故潛入一塵者畧有三義一妄覆真故二
小含大故三一具多故一切塵者無一衆生

不具佛智故有一聰慧人下出經益物喻上
離妄現前佛智亦如是下合也佛智合上大
經衆生身及妄想俱合上塵諸佛下合出經
益物可知○鈔唯以一大事因緣下解疏文

句鈔文分二

野

三

唯他經智

初依慈恩宣解事字大乘

初解天事全書

○鈔大乘法師者即玄贊疏也言隨應皆得
意者此段大意但釋知見大事亦可約義曲
蓄親緣疎屬於事因緣唯因解二

配事物等四義也次文又云爲此大事因緣
所以出現世間大事體即知見總出大事體也真如
所證義理境界俱名爲義證智能證能知義
理真境即能證所證能所知見並名知見約上
理智解也此上理爲事義教所証名義理智所證名境界上智爲道理以能證真境能知

永樂北藏

華嚴懸談會玄記

第一八三册

或知正體智見後得智此二是用此二
本性即是真加合名知見即依本後解也上
義本後一異別以言此二是用皆是智體家
用故下三句應配前事物
爲應非法性知見故此通也

菩提體是有爲本有種子多聞熏習因修增長體即四智其涅槃性體是

野一

十三

無爲本來而有自性清淨後逢善友斷障所顯雖一真如逢緣證別名四涅槃約菩提涅槃釋開知見也前當因性此當開字○鈔今畧釋下絕待名一佛因佛果者真菩薩正行爲因如來實報名果故稱爲大因果並有幹事之能周易曰貞者事之幹也有幹即

能有爲事所謂令物皆得究竟解脫○鈔言因緣謂因由緣由所以之義不分二別但爲前絕待因果幹能故佛出現耳○鈔又因緣下此因緣屬法分其疎親言屬大事者以狹即寬故因緣即大事中因義故言正因佛性等者此出涅槃經今引祖據知彼經文次釋今鈔彼經二十八云善男子因有二種一者生因二者了因能生述者是名生因燈能照物名爲了因煩惱諸結是名生因衆生父母名爲了因穀子名生水土名了六度阿耨菩提名

爲生因佛性阿耨菩提名爲了因復有了因謂六度波羅密多佛性復有生因謂首楞嚴三昧阿耨菩提復有了因謂八正道阿耨菩提復有生因謂信心六度又云善男子因有二種一者正因二者緣因正因者如乳生酪

緣因者如醉暖等又云正因者名爲佛性緣因者發菩提心又云正因者謂衆生善男子僧名和合和合者名十二因緣十二因緣中亦有佛性十二因緣常佛性亦常是故我說僧有佛性清涼云前有六對生了二因前三對以因爲生因緣爲了因此就能

生後三對以因下疏云然則緣因即是了因了因未必是於緣因有親疎故是了非善友是於緣因而必是了善友是疎如醉暖等是酪是緣因亦是緣因佛性名爲了因未必是緣此約智慧性故以無漏智性本自具足本有真實誠知等義當體名了又約行野性居然若以第一義空爲佛性者唯是正因而非了因但爲了因所了而非生因所生智慧爲性也然涅槃云佛性者名第一義空第一義空名智慧此二不二以爲佛性然第一義空是佛性性名爲智慧即佛性相第一義空不在智慧但名法性由在智慧故名佛性也若以智慧爲佛性者即是了因生次文也

若以五蘊爲佛性者名爲正因亦名生因
是正生不得名了五蘊名生者能生諸法故明生因今因五蘊能得菩提豈非生因如乳生酵如穀生芽皆生因故疏文恭用今依涅槃明義有二對並如上引
然後生必對了正必對緣以五蘊上

又云五蘊相續即是

正因亦名生因言正因者是中道義中道即

是佛性上引祖述釋今鉢者此有二對初正緣對言正因佛性爲因者即上涅槃云正因正因親故名因緣因佛性者即六度行也殊故名緣言了因下二生了對也即般若爲了因意令行

者修學般若了第一義空之性爲因如燈了物故下疏云今以了因了彼正因了即般若了所了從能了以彰名了因之所了了因所了即因體即正因佛性若以本智爲了因則了因即所了了因所了即因體即本智也然今以六度中般若爲了因故亦即緣因也言生因一下即前五蘊爲生因也欲勵行人依

今五蘊五蘊生因發菩提心修菩薩行爲緣如種生現上疏云照義若會解云生因亦名正因如穀生芽正因攝故今由佛種起成菩提故云生因所生爲緣也所生即菩提此是果義今約以所生目能生故屬因也評曰上二解前解

以能生通緣因

五蘊爲正心等通緣因發

後解能生唯

正因前解爲正若單穀無土等不能生芽故

○鈔斯則下結揀也通揀四字大事則因果幹能故寬因緣但說大事中因義故狹也○
鈔故彼經云下證也佛種正因佛性也萬行

爲緣通於緣了起斯佛種成菩提故即是生
因故一句經四因皆具也問准下鉗引此文
釋之有因果二種性今何但證於因耶答此
中且說初義於初義內復分二種因緣彼但
是此中後義蓋影畧以明也○鈔廣釋如別

者應指天台文句并慈恩玄贊亦未可詳定
而天台文句初廣引十餘家解次開法華論
意以爲四釋一約四位釋開者即是十住初
破無明開如來藏見實相理緣修惑破名使
得清淨示者惑障既除知見體顯體備萬德

法界衆德顯示分明故名爲示即是十行位
也悟者障除體顯法界行明事理融通更無
二趣故名爲悟即十回向位也入者事理既
融自在無礙自在流注任運從阿到茶入薩
婆若海即是十地位也然圓通妙位一位之

中即具四十一地功德祇開即具示悟入更非異心二約四智釋一道慧見道實性實性中得開佛知見也二道種慧知十法界諸道種別解惑之相一皆示佛知見也三一切智知一切法一相寂滅寂滅即悟佛知見也

四一切種智知一切法一相寂滅相種種行類相貌皆識即入佛知見也又道慧如理名開道種慧如量名示一切智理量不二稱悟一切種智理量雙照爲入此亦約實理無淺深中而淺深分別也三約圓教四門橫釋四

句者空門一空一切空即開佛知見有門有一切有即示佛知見也亦空亦有門一切亦空亦有即悟佛智見也非空非有門一切非空非有即入佛知見能通則四所通則一開示悟入是能通之門所知所見是所通之理也四約觀心釋者觀於心性三諦之理不可思議此觀明淨爲開雖不可思議而能分別空假中心宛然無濫名爲示空假中心即三而一即一而三名爲悟空假中心非空假中而齊照空假中名爲入是爲一心觀而分

開示悟入之殊也所以四釋者見理由位位

立由智智發由門門通由觀觀故則門通門
通故智成智成故位立位立故見理見理故
名爲理一也

恐要知天台宗
故筆于此

言畧釋如下者

下鈔云古有多釋一法華論云開者無上義

論標
名也謂除一切智更無餘事
即雙開菩提涅槃知見之相爲菩提也
即別示涅槃身也
即別悟菩薩身也
謂證初地已上菩提涅槃因故登地證地智爲菩提因清涼證

悟者不知義不知唯一實事故
入者令證不退地故即是
因義

句云論意即初深後淺以入約因故然上約三
句約果中初句總第二第三句別約果也第
四即也二嘉祥云開示約能化悟入約所化能
化有大開之與曲示但說有性爲大開言此
是凡夫性此是聖人人性因果理行即曲示也
所化有始悟之與終入豁然了知能悟修行契證
即始淺終深也然此天台破云經明四句入即
目之爲

云欲示衆生佛知見故皆爲約能開示說也
若牒第三句則云如經欲令衆生悟佛知見
故牒第四句欲令衆生入佛知見故此二句
約所化悟入說也故經論正意自約能所明
義那忽破云四句皆云爲令衆生耶華嚴亦

云其性本清淨開示諸羣生亦佛爲能示也
只由此故吾宗多引嘉祥此義也又清涼畧
釋云謂開除惑障顯示真理令悟體空證入
心體也又禪門釋者北宗云智用是知慧用
是見見一心不起名智智能知五根不動名

慧慧能見是佛知見心不動是開開者開方
便門色不動是示示者示真實相悟即妄念
不生入即萬境常寂南宗云衆生佛知妄隔
不見但得無念即本来自性寂靜爲開寂靜
體上自有本智以本智能見本来自性寂靜

野

丈

名示既得指示即見本性佛與衆生本來無
異爲悟悟後於一切有爲無爲有佛無佛常見
本性自知妄想無性自覺聖智故是菩薩前
聖所知轉相傳授即是入義上二各是一理
上釋是鈔主意由鈔中指故依會解繁引○疏十利今後者貞

元疏云諸佛設教起則有始用乃無終若雨滴滄溟與海俱竭一言稱性與性齊終法界無終斯教何盡故廣利無邊然能利是經所利是機今取能利爲因不同前機感取其所也○疏發心品云等者此品次前文中由法

慧說此法時諸佛證已次經云汝說此法時有萬佛刹微塵數菩薩發菩提心我等今者悉授其記於當來世過千不可說無邊劫同一切中而得作佛出興于世皆號清淨心如來所住世界各各差別我等悉當護持此法

令未來世一切菩薩未曾聞者悉皆得聞下疏釋云汝說下顯益證成通二世初顯在後我等下顯及當來今初清淨心者以聞菩提見心性故而經多劫者然餘教說定三僧祇此宗所明劫數不定畧有四類一或展則無量不可說不可說刹塵劫如法界品說即瞿
仙人暫時執手時
經多劫等是也二或千不可說或減或增

九
如大威太子及此中說三或一生二生如善財童子毘盧天子四初心即得如前文說即
心品前文以是發心即得佛故并
纔發心時即得一切佛智慧等并
所乘之法

既自在圓融能乘之人亦遲速不定念劫融故故称勒云一切菩薩無量劫修善財一生皆得起信則以若遲若速皆爲方便此宗楷定爲權並有聖言無煩固執不以長時而生退怯不以速證而起輕心若遲若疾捨要當

尅是佛意也今以起信宗以遲速爲方便則定三祇故皆判爲權今圓宗遲速四說並皆實也○鈔等取餘經者是疏引不盡自餘經文非是他經疏云衣服金剛喻喻智德智慧破如金剛故以有智者必無煩惱故不共住彼有三喻於三德此即第一喻智德也第二小火燒多喻斷德了惑本

寂故第三藥王徧益喻
喻恩德種種利生故
如教迹中釋也言生如來家者下疏云初住見心性故故名生家四地寄出世故生道品家八地無功用故生無生法忍家今此通三兼顯凡夫解心亦名生家因果無礙故○鈔

乃至深入下下疏云生如來家爲總乃至所引九句爲別一以如境爲家無性攝論云謂佛法界於此證會名爲生家二以行法爲家具家法故行是如來家法故三俗境爲家世親攝論云由此令佛種不斷故謂由後得智了達俗境觀機審法說教化

生

令生依行成聖佛種不斷故四遠離非家

遠離世間不是

五以佛行爲家

第二說菩薩行此說如來行故不同也

十住婆

沙論云初地菩薩行如來道相續不斷故六菩薩法性爲家故

下疏云亦是佛種性故亦同如來一境故

七

當淨佛家

當來至上心無疑惑故淨也

八住本佛

家住本有性不從師得之佛家也九因果理事無礙家前六自分家但就因位說通諸地後三勝進家約果位說也是能勝進果是所○疏良以有非等者鏡心錄云依八識生滅有作之心修於萬行則見有實惑可斷實行可作當果可求名爲有作既依生滅

有作心修故所修萬行盡屬有作如木作器器器皆木若頓悟真心本淨妄心本空故所修萬行盡是真心既屬真心則名無作如金作器器器皆金非謂全不修作名爲無作若全不修作即是修外求於無修乃外道見也言無心體

極者既悟妄心本無真心本淨故所起心皆是無心何以故謂知已所起之心本無妄心元是真心也又若但無心亦未能體極亦不能一念契證也如肇公破支慾度心無義云心無者無心於萬物萬物未嘗無益得在於

神靜失在於無虛今云一念契者若三乘望理爲一念契佛家今圓教中一念即無量劫故一念契時即已究竟生無生法忍家矣故新經序云失其旨也徒修因於曠劫得其門也等諸佛於一朝言賢首品下上半證有作

野一

王

之修下半證無心體極由信該果海故勝前福也下疏云唯明誦持餘畧不說亦顯所行真行不可校量也即如說而修行其福不可限○疏成見聞益者以成及益皆通能所能成能益謂法爾常徧之因所成所益謂物之

機見聞唯局所益謂能成名成成之見聞所成名成成即見聞依主持業二釋如次益字例知下九亦然而皆言聞者望累聞因故○鈔所以辨異者亦爲據濫等者以此十因亦探玄中義而此利今後是者涼新加恐入濫

于順機感中故此辨異也

探玄十因者謂前七云開發故即今第九開因性第八云見聞故第今廣爲第十七利今後也第九云成行故即

今第七說勝行故第十云得果故此中畧無此攝在利今後中故今加利今後合探玄第八也

言前但約時者問感者善根豈非行耶

何得言但約時答以善根約時中說故言又

順機多約於所等者謂順機約所順之機善
根爲因感能順教爲果今此以能順教上有
能利今後功用爲因起教法之體爲果故不
同也既云多約有互通少分二世義故言又
順機但是別義者即利益總別也○鈔此十

種益出於旨歸者彼有十門此是第九門明
經益中文也言從淺至深者准旨歸意前五
從淺至深皆自利初見聞但泛爾故最淺二
因見聞而發心故次深三由發心乃起衆行
故復深四由行成即攝於位更爲深五由具

位速證圓滿故最深也六令他滅障音歸云
萬四千煩惱等故名利他也七令他展轉得
益上皆況明問如滅障已指蒙香者何言泛
是何人故八如善財童子九如六千比丘此
云泛明明耶答雖說蒙香滅障不的指

二別彰得益之人第十總具深淺前自他前
五

野一

王三

自利六
七利他總別第
前九爲別等義等
前七泛明故
八九別指故
鈔云自利利他等而爲其次等字亦等其總
別汎明別指六字也問造修與起行何異頃
得與速證何殊卷體雖無異而義不同造修
對劣顯勝音歸云一切菩薩無
量劫善財一生皆得起行直彰其

妙吉歸云若起一普賢行遍一切行位一切果皆功德一切法一切處一切時一切因一切見一切悉窮盡具足頓得通得諸益。昔歸云六地菩薩頃得無量自在法海多林中速證則別明入地如隨好品兜率天子頃起十地等也。或可約自起行令他造修自速證令他頃得利。

利他又起行總指不據何人造修別指善財異也。又起行總指不據何人造修別指善財速證總明不據何人頃得別指六千等或可起行約初修造修約成就則勝劣有異速證約疾頓得約齊則寬狹有異。雖有四意初意故後之三意。○鈔然見聞下通妨也。云詳此。

十益隨舉一益可具十因或隨前一因可通成十益今何故以一因爲一益耶故此通也。初二句領妨後三句通妨也。○鈔便能觸目對境者如不思議品云一一毛端處有不可說不可說佛刹微塵數世界一一世界念念。

野

壬

有不可說不可說佛說法等是知何有不說法之時處耶言常如法見者如猶稱也稱法而見故言所引經文如前總中者即前法爾因中疏鈔所引不思議品第四十七卷經中文也此言總者意顯法爾因直談法性不待

別因名總下九因各是別義不同前利益總

別不爾何處更明法爾常說偏說爲總耶

此有二義總別約法性則初一爲總後九爲別約利益則第十爲總前九爲別思之間十

因之中法爾爲深十益之中見聞爲淺何以
對深因而成淺益耶答理實法爾皆成十益

深淺皆具今以常偏說上見聞義顯且作是
配非不該於深也下九皆爾

華嚴懸談會玄記卷第十一

永樂北藏

華嚴懸談會玄記

第一八三冊